

權發遣開封府推官公事

王震

通直郎河北西路提刑呂溫卿可依前官

充河北東路提刑奉議郎河北東路提

刑呂仲甫可依前官充河北西路提刑

王震

通直郎著作佐郎豐稷可權發遣提舉利

州路刑獄公事

王震

朝奉大夫少府少監呂希績可權發遣穎

州

王震

三十五

文鑑目錄中

光

權軍

朝奉郎行宗正寺主簿楊亨可權知衢州

王震

左藏庫使趙諒可供備庫使供備庫副使

王繼恩盧昭用可並西京左藏庫副使

內殿崇班楊貴田珏張僅可並內殿承

制

王震

皇姪右千牛衛將軍士儉皇弟右千牛衛

將軍叔媽可並右監門衛大將軍

王震

朝請郎權發遣陝西運副葉康直可朝奉

古來醫人相嫉，扁鵲為秦太醫令所害，即其事也。一醫處方，不得使別醫和合，脫或私加毒藥，令人增疾，漸以致困。如此者非一，特湏慎之，乃可不□□□□□□□□□□醫相嫉，賊人性命，甚可哀傷。

夫百病之本，有中風傷寒、寒熱溫瘧、中惡、霍亂、大腸^①水腫、腸澼下痢、大小便不通、賁豚上氣、咳逆、嘔吐、黃疸、消渴、留飲、宿癖、堅積癥瘕，驚^②邪癲癇、鬼注、喉痹、齒痛、耳聾、目盲，金瘡痿折、癰腫惡瘡、痔瘡瘤癭，男子五勞七傷、虛乏羸瘦，女子帶下崩中、血閉陰蝕，蟲蛇蠱毒所傷。此皆大略，其間變動枝^③葉^④，各依端緒以取之。□□□熱勞損、傷飽房勞、驚悸恐懼、憂恚怵惕，有產乳落胎、□□□□，有貪餌五石，以求房中藥。此皆為病之根源為患，生之枝□□□□不知其本末。但向醫說男女巨細之病，有半與病源相附□□□可服藥也。男子者，衆陽所歸^⑤，常居於燥^⑥。陽氣遊動，強力施□□，便成勞損損傷之病，亦以衆矣。若比之女人，則十倍易治。凡□子十四已上，則有月病。月病來日，得風冷溫熱四時之病相協者，皆應自說之，不爾，與治相觸動，更增困也，處方者亦應問之。

凡用藥，皆隨土地所宜。江南嶺表，其地暑濕，肌膚薄脆，腠理開疎，用藥輕省；關中河北，土地堅燥，其人皮膚堅硬，腠理閉實，用藥重複。世有少盛之人，不避風濕，觸犯禁忌，暴竭精液，雖得微疾，皆不可輕以利藥下之。一利大重，竭其精液，困滯著牀，動經年月也。凡長宿病宜服利湯，不湏盡劑，候利之足則止，病源未除者□合耳，氣力堪盡劑則不論也。病源湏服利湯取除者，服湯後宜□丸散時時服，助湯易丸散也。凡病服利湯得差者，此後慎不□□補湯也，得補病勢還復成也，更重瀉之，則其人重受弊也。□□差，氣力未甚是^⑦平復者，但消息之。湏服藥者，當以平藥和□□□患之人，不妨行走。氣力未衰，欲將補益，冷熱隨宜丸散者，可□□服利湯，瀉除胃腹中擁積淡^⑧實，然後可將補藥也。夫極虛勞應服補湯者，不過三劑^⑨即止。風病應服

① 腸 宋本、真本作“腹”。

② 驚 新雕本避宋太祖趙匡胤祖父敬之諱，“驚”缺筆作“驚”。後同。宋本作“驚”。

③ 歸 宋本作“歸”。後同。

④ 燥 宋本作“燥”。後同。

⑤ 是 宋本無。

⑥ 淡 宋本作“痰”。

⑦ 臍 宋本作“劑”。

凡藥有君臣佐使，以相宜攝合和者，宜用一君二臣五佐，又可一君三臣九佐也。又有陰陽配合，子母兄弟，根^①葉花實，草石口肉。有單行者，有相須者，有相使者，有相畏者，有相惡者，有口口者，有相殺者。凡此七情，合和之時，用意視之。當用相須相口口，良。勿用相惡相反者。若有毒，宜制，可用相畏相殺。不爾，勿口口也。又有酸鹹甘苦辛五味，又有寒熱溫涼四氣，及有毒無毒、陰乾曝乾、採治時月、生熟土地所出、真偽陳新，並各有法。其相使相畏七情，列之如左，處方之日，宜善究之。

玉石上部

玉泉 畏款冬花

玉屑 惡鹿角

丹砂 惡磁石，畏鹹水

曾青 畏兔絲子

石膽 水英為使，畏牡蠣

牡蠣使，惡牡丹、玄石、紫石英、藟草

雲母 澤瀉為使，口蛇甲及流水

口口口口 句薑

消石 火為使，惡苦參、苦菜，畏女苑

芒消 石草為使，惡麥句薑

白礬 甘草為使，惡牡蠣^②

滑石 石草為使，惡曾青

紫石英 長石為使，畏扁青、附子，不欲蛇甲、為連^③、麥句薑

白石英 惡鬼臼

赤石脂 惡大黃，畏芫花

黃石脂 曾青為使，惡細辛，畏蜚蠊

白石脂 燕糞為使，惡松脂，畏黃芩^④

太一餘糧 杜仲為使，畏鐵落、菖蒲、貝母

① 葉 宋本作“莖”。

② 牡蠣 宋本作“牡蠣”。

③ 為連 宋本作“黃連”。

④ 黃芩 宋本作“黃芩”。

以三大麻準之。如大豆者，以二小豆準之。如梧桐子者，以二大豆準之。一方寸匕散蜜和，得梧子十九爲定。如彈丸及雞子黃者，以十梧子準之。凡方云巴豆若干枚者，粒有大小，當去心皮竟乃秤之，以一分準十六枚。附子、烏頭若干枚者，去皮竟，乃以半兩準一枚。枳實若干枚者，去穰竟，以一分準二枚。橘皮一分準三枚。棗有大小，以三枚準一兩。云乾薑一累者，以半兩爲正。凡方云半夏一升者，煮洗竟，秤五兩爲正。椒一升者，三兩爲正。茺莢一升者，五兩爲正。云某子一升者，其子各有虛實輕重，不可通以稱準，取平升爲正。兔絲子一升九兩。菴蘭子一升亦九兩，蛇牀子一升三兩半，地膚子一升四兩，此其不同也。凡方云桂一尺者，削去皮了，重半兩。甘草一尺者，重二兩。凡方云某草一束，重三兩。一杷^①者，重二兩。凡云蜜一斤者，有七合。猪膏□□□□升二合。

問曰：凡和合湯藥，治諸草石蟲獸，用水升數、□□□法則云何？答曰：凡草有根、莖、枝^②、**葉**、皮、骨、花、實，諸蟲有毛、翅、皮、甲、頭、足、尾、骨之屬，有湏洗煉炮炙，生熟有定，一如後法。順方者福，逆之者殃。或湏皮去肉，或去皮湏肉，或湏根莖，或湏花實，依方修鍊，事褫治削，極令淨絮^③，然後分合，秤兩勿得參差。藥有相生相殺，氣力有強有弱，君臣相使，若不廣通諸經，則不知有好有惡。或醫自以意加減，不依方分，使諸草石強弱相欺，入人腹中，不能治病，更相關諍^④，草石相反，使人迷亂，力甚刀劍。若調和得所，雖不能治病，猶安利五藏，於病□所增劇。矧^⑤曰：諸經方用藥，所有熬鍊節度皆脚注之。今方則□然，於此篇具條之，更不煩方下別注。凡橘皮、吳茺莢、椒等，入湯不咬咀。凡礬石^⑥赤泥團之，入火半日乃熟可用，仍不得過之。凡諸藥子人皆去尖頭，去皮及雙人者，仍切之。凡枳殼、厚朴、甘草及諸毛羽齒牙蹄甲鼈龜鯪鯉等甲皮肉骨角筋鹿茸等，皆炙之。蛇蛻皮微炙。皂莢炙，去皮子。凡烏梅皆去核，入丸散熬之。大棗擘去核。凡用麥蘗、麴末、大豆黃卷、澤蘭、蕪荑、殭蠶、乾漆、蜂房，皆微炒。凡湯中用麝香、犀角、鹿角、羚羊角、牛黃、蒲黃、丹砂，湏熟末如粉，臨服內湯中攪令

① 杷 宋本作“把”。

② 枝 宋本作“枝”。後同。

③ 絮 宋本作“潔”。後同。

④ 諍 本作“爭”。

⑤ 矧 宋本作“例”。

⑥ 礬石 宋本作“礬石”。

凡散丸用膠，先炙，使通體沸起，燥乃可擣。有不沸處，皆炙之斷，下湯直用之，勿炙。

凡丸中用蠟，洋，投少蜜中，攪調以和藥。

用熟艾，先細擘，合諸藥，擣令細散，不可篩者，內散和之。

凡用蜜，先火煎，掠去其沫，令色微黃，則丸經久不壞，掠之多少，隨蜜精麤，遂至大稠，於丸弥佳。

凡巴豆熬紫色。桃杏人、葶藶、胡麻諸有脂膏藥，皆口黃黑，別擣令如膏脂，攪視泯泯尔，乃以向成散稍稍下臼中合研，擣令消散，乃復都以輕絹篩之須盡，又內臼中，依法擣數百杵也。湯膏中亦有熬之^①者，雖生用，並擣破。

凡用桂、厚朴、杜仲、秦皮、木蘭之輩，皆削去上虛軟，取裏有味者秤之。茯苓、猪苓^②削除黑皮，牡丹、麥門冬、巴戟天、遠志、野葛等，皆槌破去心。紫苑洗去土畢，乃秤之。薤白、葱白除青令盡。莽草、石南、茵芋、澤蘭，剔取葉及軟莖，去大枝。鬼臼、黃連皆除根毛。蜀椒去閉口者及目。

凡狼毒、枳殼、橘皮、半夏、麻黃、吳茱萸，皆欲得陳久者，其餘唯須精新。

口藏貯擬宜法

論曰：存不忘亡，安不忘危，大聖之至教；求民之瘼，恤民之隱，賢人之用心。所以神農鳩集百藥，黃帝纂錄《針經》，皆備預之常道也。且人痼瘵多起倉卒，不與人口，一口口已，豈皇^③知救。想諸好事者，可立藥藏，用備不虞。所謂口心雖口，所救唯廣。

論曰：見諸世祿之家有善養馬者，尚貯馬藥數十斤，不見養家口者有畜人藥一鎰銖。以此類之，極可媿矣。“傷人乎？不問馬”，此言安用哉？至如人或公或私使命，行邁邊隅，地既不毛，藥物焉出？忽逢瘴癘，素不資貯，無以救療，遂拱手待斃，以致夭歿者，斯為職當，豈是枉橫。何者？既不能深心以自衛，一朝至此，何歎惜之晚哉！故置藥藏法，以防危殆云尔。

① 熬之 真本作“不熬”。

② 猪苓 宋本作“猪苓”。後同。

③ 皇 宋本作“遲”。




北京市教育委员会专项资助

曾凤



新雕孙真人千金方校注

學苑出版社



图书在版编目(CIP)数据

新雕孙真人千金方校注/曾凤校注. —北京: 学苑出版社, 2012. 7
ISBN 978-7-5077-4065-3

I. ①新… II. ①曾… III. ①千金方-注释 IV. ①R289.342

中国版本图书馆 CIP 数据核字(2012)第 158153 号

责任编辑: 马红治

出版发行: 学苑出版社

社 址: 北京市丰台区南方庄 2 号院 1 号楼

邮政编码: 100079

网 址: [www. book001. com](http://www.book001.com)

电子信箱: [xueyuan@ public. bta. net. cn](mailto:xueyuan@public.bta.net.cn)

销售电话: 010-67675512、67678944、67601101(邮购)

经 销: 新华书店

印 刷 厂: 河北三河灵山红旗印刷厂

开本尺寸: 787 × 1092 1/16

印 张: 40. 875

字 数: 660 千字

版 次: 2012 年 7 月第 1 版

印 次: 2012 年 7 月第 1 次印刷

定 价: 200. 00 元